

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

61/2019 Foru Agindua, martxoaren 6koa, interes publikoa deklaratzeko diona Urizaharreko udalerriko Faidun dagoen lurzoru urbanizaezinean telefonia mugikorrekiko estaziogune bat eraikitzekeko proiektuari

Telefónica Móviles España SAK Urizaharreko Udalari obra baimena eskatu dio telefonia mugikorrekiko estaziogune bat eraikitzekeko, eta hura egiteko 6 metro luzeko masta bat jarriko da 3,50x4,50 metroko esparru hesitu baten barrualdean, Faiduko 1 poligonoko 1120 lurzatiko A azpilurzatian.

Urizaharreko Udalak espedientea bidali du, eta eskatu du izapidetu dadila proiektuaren interes publikoaren adierazpena, lurzoru eta hirigintzaren ekainaren 30eko 2/2006 Legeak 28.5.a) artikuluan xedatutakoa betetzeko.

Espedientean dago aurkezturiko proiektu teknikoak, telefonia mugikorrekiko estaziogune bat jartzeari buruzkoa (0100506 Faidu COC: 201805010674); baita udal arkitektoak eginiko txostena ere, zeinetan adierazten baita lurzatia lurzoru urbanizaezinean dagoela, 4 zonan (itxuraberritu beharreko baso zona), udalerrian indarrean dauden arau subsidiarioen arabera. Halaber, Gobernu Kontseiluaren martxoaren 13ko 122/2018 Erabakiaren kopia eranstean da, zeinaren bidez dirulaguntzak ematen baitira belaunaldi berriko banda zabaleko sareak hedatzeko ALHko herri-guneetan eta zona barreiatuetan.

ONARRI JURIDIKOAK

Ingurumen eta Hirigintza Sailak eskumena du aztertzen ari den espedientea ebazteko, diputatu nagusiaren uztailaren 3ko 133/2015 Foru Dekretuaren arabera eta sailaren egitura organiko eta funtzionala onetsi zuen Diputatuen Kontseiluko urriaren 9ko 17/2016 Foru Dekretuko 18.c) artikuluan xedatutakoaren arabera.

Lurzoru eta hirigintzari buruzko ekainaren 30eko 2/2006 Legeak 28.5.a) artikuluan xedatzen duenez, lurzoru urbanizaezinean ezingo dira gauzatu aplikatzekoa den arloko legediak edo lurralde antolamenduak interes publikoa aitortzen dien zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru diputatuak ebazpen bidez izendatu behar baititu interes publikoko, hogeit egunez jendaurrean edukitzeko izapidea bete ondoren.

Urtarrilaren 17ko 12/2019 Foru Aginduaren bitartez, hasierako onespina eman zitzaion interes publikoa deklaratzeko espedienteari eta jendaurrean jarri zen 20 egunez, ALHAOn argitaratu zenetik hasita. ALHAOn 2019ko urtarrilaren 30ean argitaratu zen (13. zk.). Horretarako jarritako epean, ez da alegaziorik jarri.

Telekomunikazioen maiatzaren 9ko 9/2014 Lege Orokorrek 2. artikuluan ezarritakoaren ondorioz datorkio interes publikoa aztertutako kasuari. Artikulu horretan ezartzen denez, "Telekomunikazioak interes orokorreko zerbitzuak dira eta lehia askearen araubidean ematen dira"

Azpiegiturak berak dituen ezaugarriengatik jarri behar da landa lurretan.

Haien ondorioz, dagozkidan ahalmenak erabiliz, honako hau

XEDATZEN DUT

Lehenengoa. Interes publikoa deklaratzeko Telefónica Móviles España SAK sustatu eta Uribarriko Udalak izapidetutako proiektuari, zeina baita telefonia mugikorrekiko estazio-gune bat Faiduko 1 poligonoko 1120 lur-zati A azpilurzatian eraikitzeari buruzkoa, halaxe jasotzen baitu aurkeztu den proiektu teknikoak (0100506 Faidu COC: 201805010674), eta hori guztia lur-zoru eta hirigintzaren ekainaren 30eko 2/2006 Legearen 28.5.a) artikuluan xedatutakoarekin bat etorri.

Bigarrena. Deklarazio honek ez du kentzen proiektua gauzatzeko aginduzko udal baimena lortzeko beharra, ez eta horretarako udal erabakiaren edukia aurretik ezartzen ere.

Hirugarrena. Interes publikoa deklaratzeko ez du administrazio bidea amaitzen, ez eta horrek aurrera egin dezan eragozten ere. Beraz, ez dago haren aurkako errekurtsorik aurkezterik. Udalak, dagokion administrazio egintza emateko eskumena duen organoa den aldetik, baimena emateko edo ukatzeko hartzen duen erabazpenaren aurka bakarrik jarri ahal izango da errekurtsioa.

Gasteiz, 2019ko martxoaren 6a

Ingurumen eta Hirigintza Saileko diputatua
JOSEAN GALERA CARRILLO